

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog konkurentskog zahtjeva u skladu sa Zakonom o javnim nabavkama Bosne i Hercegovine –Obavještenja o nabavci, broj: 1075-7-2-250-3-33/18, objavljenog sistemu „e-nabavki”, te Odluke o izboru najpovoljnijeg ponuđača direktorice Zavoda za javno zdravstvo Kantona Sarajevo broj: 05.12.100-7677-Odluka o izboru/18 od 07.12.2018.godine, kojom se prihvata Ponuda ponuđača **ŠTAMPARIJA FOJNICA D. D. Fojnica** kao najpovoljnija i kojom se sa ponuđačem **ŠTAMPARIJA FOJNICA D. D. Fojnica**, zaključuje Okvirni sporazum za sukcesivnu nabavku **ŠTAMPARSKIH USLUGA**, za potrebe J.U. Zavoda za javno zdravstvo Kantona Sarajevo, zaključuje se sljedeći:

## **OKVIRNI SPORAZUM ZA JAVNU NABAVKU ŠTAMPARSKIH USLUGA**

### **Između:**

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa prof.dr. med. sc. Aida Pilav, direktorica (u daljem tekstu: Ugovorni organ)

i  
**ŠTAMPARIJA FOJNICA D. D. Fojnica**, ul. Prokoški put b.b, 71270 Fojnica, identifikacioni broj: 426045660000, koju zastupa Mirsad Mujčić, direktor, (u daljem tekstu: Izvršilac), zaključili su:

### **I PREDMET OKVIRNOG SPORAZUMA**

#### **Član 1.**

- (1) Predmet ovog Okvirnog sporazuma je nabavka štamparskih usluga, za potrebe J.U. Zavod za javno zdravstvo Kantona Sarajevo, a prema ponudi broj: 269/18 od 28.11.2018.godine i cijenama Izvršioca nakon provedene e-aukcije koje su sastavni dio Okvirnog sporazuma.
- (2) Ovim Okvirnim sporazumom ugovorne strane su saglasne da mogu tokom cijelog ugovornog perioda zaključivati ugovore iz oblasti za koje je proveden konkurentski postupak nabavke.

#### **Član 2.**

Ugovorni organ naručuje predmetne usluge, a Izvršilac prihvata da isporučuje iste, a na osnovu provednog postupka javne nabavke putem konkurentskog postupka i Odluke Ugovornog organa o izboru najpovoljnijeg Ponuđača.

#### **Član 3.**

Ugovorni organ i Izvršilac su saglasni da Okvirni sporazum realizuju prema već definisanim uslovima u Obavještenju o javnoj nabavci putem konkurentskog postupka (u daljem tekstu: Obavještenje) i prema tenderskoj dokumentaciji za ugovor o javnim uslugama (u daljem tekstu: Tenderska dokumentacija) i to:

- (1) Ugovorni organ prema zahtjevima u Obavještenju i Tenderskoj dokumentaciji,
- (2) Izvršilac, prema dostavljenoj Ponudi i dokumentaciji sa preciziranim ponuđenim uslovima u prijavi na konkurentski zahtjev.

### **II UGOVORENA CIJENA, GARANCIJA ZA DOBRO IZVRŠENJE POSLA , OBRAČUN I NAČIN PLAĆANJA**

#### **Član 4.**

- (1) Na osnovu Okvirnog sporazuma, Ugovorne strane će zaključiti pojedinačne Ugovore sa rokom važnosti ukupno do važnosti Okvirnog sporazuma, zavisno od interesa Ugovornih strana, a pod uslovima utvrđenim u Obavještenju o javnoj nabavci i tenderskom dokumentacijom i u skladu sa odredbama Zakona o obligacionim odnosima.

#### **Član 5.**

- (1) U obim usluga iz člana 2. ovog Okvirnog sporazuma podrazumijevaju se usluge po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude, prihvaćenoj ponudi i cijenama Izvršioca nakon provedene e-aukcije).
- (2) Ukupna vrijednost Okvirnog sporazuma iznosi 7.680,00 KM bez PDV-a, odnosno 8.985,60 KM sa PDV-om.

#### **Član 6.**

- (1) Izvršilac se obavezuje da usluge fakturiše istog dana kada je isporučio robu, na osnovu otpremnih dokumenata (otpremnica i sl.) potvrđenih od strane Ugovornog organa da je robu preuzeo.
- (2) Izvršilac je dužan isporučivati narudžbu sukcesivno Ugovornom organu na osnovu dobivenog Zahtjeva za nabavku i to po potpunoj isporuci robe iskazane na Zahtjevu za nabavku.
- (3) Izvršilac se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.
- (4) Ugovorni organ će plaćati fakture za isporučenu robu u roku do 30 (trideset) dana od nastanka obaveze iz stava (1) ovog člana.
- (5) Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

### **III ROK, MJESTO I NAČIN ISPORUKE ROBA**

#### **Član 7.**

- (1) Izvršilac se obavezuje da će u skladu sa članom 2. i 5. ovog Okvirnog sporazuma isporučivati robu Ugovornom organu, u skladu sa potrebama i narudžbama iskazanim u pismenom obliku, i to u roku od 2 (dva) dana od prijema pismene narudžbenice. Ukoliko u toku trajanja Okvirnog sporazuma Izvršilac promijeni broj telefona i faksa, odmah je dužan pismenim putem obavijestiti Ugovorni organ.
- (2) Izvršilac se obavezuje dostaviti robu Ugovornom organu, propisanog kvaliteta, u traženim količinama i u dogovoreno vrijeme.
- (3) Izvršilac se obavezuje da će prije nego što da na štampanje naručenu količinu, dostaviti jedan primjerak naručenog materijala na potvrdu i odobrenje Ugovornom organu.
- (4) Mjesto isporuke roba: sjedište Ugovornog organa, ul. Dr. Mustafe Pintola 1/III u J.U. Zavod za javno zdravstvo Kantona Sarajevo.

#### **Član 8.**

- (1) Izvršilac se obavezuje da će isporuku robe koja je predmet Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.
- (2) Ugovorni organ je dužan dostaviti pismeno obavještenje o svakom navodnom propustu Izvršioca po Okvirnom sporazumu.
- (3) Ugovorni organ će utvrditi razuman rok za ispravku propusta Izvršioca u smislu izvršene nabavke i isporuke.

#### **Član 9.**

Izvršiocu se postavlja uslov da nema pravo da zapošljava, u svrhu izvršenja ovog Okvirnog sporazuma, fizička koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju istog.

#### **Član 10.**

- (1) Usluge utvrđene ovim Okvirnim sporazumom moraju biti izvršene kako je utvrđeno tenderskom dokumentacijom i zahtjevima Ugovornog organa.
- (2) Ugovorni organ ima pravo stručnog kontroliranja kvalitete izvršene usluge, a Izvršilac je u obavezi kontrolu omogućiti.

#### **Član 11.**

- (1) Ovaj Okvirni sporazum se zaključuje za ugovorni period od 12 (dvanaest) mjeseci od dana potpisivanja.
- (2) U slučaju eventualnih primjedbi Ugovornog organa na kvalitet i količinu isporučene robe, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.
- (3) Odredbe ovog Okvirnog sporazuma ne mogu se mijenjati nakon njegovog zaključenja.

#### IV UGOVORNE KAZNE I NAKNADA ŠTETE

##### Član 12.

- (1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.
- (2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti.
- (3) Ukoliko Izvršilac na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Okvirnog sporazuma i pravo da o trošku Izvršioca ustupi posao drugom Izvršiocu sa pravom naknade troškova uvođenja novog Izvršioca kao i pravo na naknadu mogućeg nastanka štete zbog neispunjenja Ugovorne obaveze.

#### V ZAVRŠNE ODREDBE

##### Član 13.

Ugovorni organ će sklapati pojedinačne ugovore o javnoj nabavci, do visine ukupne vrijednosti ovog Okvirnog sporazuma.

##### Član 14.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

##### Član 15.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

##### Član 16.

Za sve što nije regulisano ovim Okvirnim sporazumom, primjenjivaće se odredbe Zakona o obligacionim odnosima.

##### Član 17.


Ovaj Okvirni sporazum stupa na snagu danom potpisivanja obje ugovorne strane.

##### Član 18.

Ovaj Okvirni sporazum je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

ŠTAMPARIJA FOJNICA D. D.  
FOJNICA

DIREKTOR


  
Mirsad Mujčić

Broj: 78/18-4  
Sarajevo,

27.12.2018.god



JU ZAVOD ZA JAVNO ZDRAVSTVO  
KANTONA SARAJEVO  
DIREKTORICA

  
Prof. dr. med. sc. Aida Pilav

Broj: 05.14.11-7677-Okvirni sporazum/18  
Sarajevo, 20.12. 2018. godine.